

大般涅槃經卷第十三

三藏聖無識譯尼泊爾慧嚴慧觀同譯靈運再治

大般涅槃經聖行品下

善男子我觀諸行悉皆無常云何知耶以因緣故若有諸法從緣生者則知無常是諸外道無有一法不從緣生善男子佛性無生無滅無去無來非過去非未來非現在非因所作非無因作非作非作者非相非無相非有名非無名非名非色非長非短非陰界入之所攝持是故名常善男子佛性即是如來如來即是法法即是常善男子常者即是如來如來即是僧僧即是常以是義故從因生法

不名爲常是諸外道無有一法不從因生善男子是諸外道不見佛性如來及法是故外道所可言說悉是妄語無有真諦諸凡夫人先見瓶衣車乘舍宅城郭河水山林男女象馬牛羊後見相似便言是常當知其實非是常也善男子一切有爲皆是無常虛空無爲

是故爲常佛性無爲是故爲常虛空者即是佛性佛性者即是如來如來者即是無爲無爲者即是常常者即是法法者即是僧僧即是無爲無爲者即是常善男子有爲之法凡有二種色法非色法非色法者心心數法色法者地水火風善男子心名無常何以故性是攀緣相應分別故善男子眼識性異乃至意識性異是故無常善男子色境界異乃至法境界異是故無常善男子眼識相應異乃至意識相應異是故無常善男子心若常者眼識應獨緣一切法善男子若眼識異乃至意識異則知無常以法相似念念生滅凡夫見已計之爲常善男子諸因緣相可破壞故亦名無常所謂因眼因色因明因思惟生於眼識耳識生時所因各異非眼識因緣乃至意識異亦如是復次善男子壞諸行因緣故心名無常所謂修無常心異修苦空無我心異心若常者應常修無常尚不得觀苦空無我況

復得觀常樂淨我以是義故外道法中不能
攝取常樂淨我善男子當知心法必定無常
復次善男子心性異故名爲無常所謂聲聞
心性異緣覺心性異諸佛心性異一切外道
心有三種一者出家心二者在家心三者在
家違離心樂相應心異苦相應心異不苦不
公南本十三

樂相應心異貪欲相應心異瞋恚相應心異
愚癡相應心異一切外道心相亦異所謂愚
癡相應心異疑惑相應心異邪見相應心異
進止威儀其心亦異善男子心若常者亦復
不能分別諸色所謂青黃赤白紫色善男子
心若常者諸憶念法不應忘失善男子心若
常者凡所讀誦不應增長復次善男子心若
常者不應說言已作今作當作若有已作今
作當作當知是心必定無常善男子心若常
者則無怨親非怨非親心若常者則不應言
我物他物若死若生心若常者雖有所作不
應增長善男子以是義故當知心性各各別

異有別異故當知無常善男子我今於此非
色法中演說無常其義已顯復當爲汝說色
無常是色無常本無有生生已滅故內身處
胎歌羅羅時本無有生生已變故外之牙莖
本亦無生生已變故是故當知一切色法悉
皆無常善男子所有肉色隨時而變歌羅羅

時異安浮陀時異伽那時異閉手時異諸臙
時異初生時異嬰孩時異童子時異乃至老
時各各變異所謂外色亦復如是牙異莖異
枝異葉異華異果異復次善男子內味亦異
歌羅羅時乃至老時各各變異外味亦爾牙
莖枝葉華果味異歌羅羅時力異乃至老時
公南本十三

力異歌羅羅時狀貌異乃至老時狀貌亦異
歌羅羅時果報異乃至老時果報亦異歌羅
羅時名字異乃至老時名字亦異所謂內色
壞已還合故之無常外之樹木亦壞已還合
故知無常次第漸生故知無常次第生歌羅
羅時乃至老時次第生牙乃至果子故知無

常諸色可滅故知無常歌羅羅滅時異乃至老滅時異牙滅時異乃至果滅時異故知無常凡夫無知見相似生計以爲常以是義故名曰無常若無常即是苦若苦即是不淨善男子我因迦葉上問是事於彼已答復次善男子諸行無我善男子揔一切法謂色非色色非我也何以故可破可壞可打可裂生增長故我者不可破壞打裂生長以是義故知色非我非色之法亦復非我何以故因緣生故善男子若諸外道以專念故知有我者專念之性實非我也若以專念爲我性者過去之事則有忘失有忘失故定知無我善男子

若諸外道以憶想故知有我者無憶想故定知無我如說見人手有六指即復問言我先何處共相見耶若有我者不應復問以相問故定知無我善男子若諸外道以遮故知有我者善男子以有遮故定知無我如言調達終不發言非調達也我亦如是若定是我終不遮我以遮我故定知無我若以遮故知有我者汝今不遮定應無我善男子若諸外道以伴非伴知有我者以無伴故應無有我有法無伴所謂如來虛空佛性我亦如是實無有伴以是義故定知無我復次善男子若諸外道以名字故知有我者無我法中亦有我名如貧賤人名字富貴如言我死若我死者我則殺我而我實不可殺假名殺我亦如瘞人名爲長者以是義故定知無我復次善男子若諸外道以生已求乳知有我者善男子若有我者一切嬰兒不應執持不淨火蛇毒藥以是義故定知無我復次善男子一切衆生於三法中悉有等智所謂淫慾飲食恐怖是故無我復次善男子若諸外道以相貌故知有我者善男子相故無我無相故亦無我若人睡時不能進止俯仰視眴不覺苦樂不應有我若以進止俯仰視眴知有我者機閑木人亦應有我善男子如來亦余不進不止不

俯不仰不視不瞞不苦不樂不貪不恚不癡
不行如來如是真實有我復次善男子若諸外道以見他食果口中生涎知有我者善男子以憶念故見則生涎非我也我亦非涎非喜非悲非哭非笑非憊非起非飢非飽以是義故定知無我善男子是諸外道癡如小兒無慧方便不能了達常與無常苦樂淨不淨我無我壽命非壽命衆生非衆生實非實有非有於佛法中取少許分虛妄計有常樂淨我而實不知常樂淨我如生盲人不識乳色便問他言乳色何似他人答言色白如貝

盲人復問是乳色者如貝聲邪答言不也復問貝色爲何似耶答言如稻米粒盲人復問乳色柔軟如稻米粒耶稻米粒者復何所似答言如雪盲人復言彼稻米粒冷如雪耶雪復何似答言猶如白鶴是生盲人雖聞如是四種譬喻終不能得識乳真色是諸外道亦復如是終不能識常樂淨我善男子以是義

故我佛法中有真實諦非於外道文殊師利白佛言希有世尊如來於今臨般涅槃方復更轉無上法輪乃作如是分別真諦佛告文殊師利汝今云何故於如來生涅槃想善男子如來實是常住不變不般涅槃善男子若有計我是佛我成阿耨多羅三藐三菩提我即是法法是我所我即是道道是我所我即世尊世尊即是我所我即聲聞聲聞即是我所我能說法令他聽受我轉法輪餘人不能如來終不作如是計是故如來不轉法輪善男子若有人作如是妄計我即是眼眼即是我所耳鼻舌身意亦復如是我即是色色是我所乃至法亦如是我即是地地即我所水火風亦如是善男子若人計言我即是信信是我所我是多聞多聞即是我所我是檀波羅蜜檀波羅蜜即是我所我是尸波羅蜜尸波羅蜜即是我所我是羼提波羅蜜羼提波羅蜜即是我所我是毘梨耶波羅蜜毗梨耶

波羅蜜即是我所我是禪波羅蜜禪波羅蜜即是
即是我所我是般若波羅蜜般若波羅蜜即
是我所我是四念處四念處即是我所四正
勤四如意足五根五力七覺分八聖道分亦
復如是善男子如來終不作如是計是故如
來不轉法輪善男子若言常住無有變易云
何說言佛轉法輪是故汝今不應說言如來方
更轉上法輪善男子譬如因眼緣色緣明緣思
惟因緣和合得生眼識善男子眼不念言我能
生識色乃至思惟終不念言我生眼識眼識亦
復不作念言我能自生善男子如是等法因緣
和合得名爲見善男子如來亦爾因六波羅蜜
和合得名爲見善男子如來亦爾因六波羅蜜
三十七助菩提法覺了諸法復因咽喉舌齒脣
口言語音聲爲惱陳如初始說法名轉法輪以
是義故如來不名轉法輪也善男子若不轉者
即名爲法法即如來善男子辭如因燧因鑽因
手因乾燥草而得生火燧亦不言我能生火鑽

手乾草各不念言我能生火燄亦不言我能自
生如來亦爾因六波羅蜜乃至惱陳如名轉法
輪如來亦復不生念言我轉法輪善男子若不
生者是則名爲轉正法輪是轉法輪即名如來
善男子辭如因酪因水因鑽因瓶因繩因人手
提而得出酥酪不念言我能出酥乃至人手亦
不念言我能出酥酥亦不言我能自出衆緣
和合故得出酥如來亦爾終不念言我轉法
輪善男子若不出者是則名爲轉正法輪是
轉法輪即是如來善男子辭如因子及地水
火風沃壤時節因人作業而牙得生善男子
子亦不言我能生牙乃至作業亦不念言我
能生牙牙亦不言我能自生如來亦爾終不
念言我轉法輪善男子若不作者是則名爲
轉正法輪是轉法輪即是如來善男子辭如
因鼓因空因皮因人因桴和合出聲鼓不念
言我能出聲乃至桴亦如是聲亦不言我能
自生善男子如來亦爾終不念言我轉法輪

善男子轉法輪者名爲不作不作者即轉法輪轉法輪者即是如來善男子轉法輪者乃是諸佛世尊境界非諸聲聞緣覺所知善男子虛空非生非出非作非造非有爲法如來亦爾非生非出非作非造非有爲法如來性佛性亦爾非生非出非作非造非有爲法

八 南經十三

善男子諸佛世尊語有二種一者世語二者出世語善男子如來爲諸聲聞緣覺說於世語爲諸菩薩說出世語善男子是諸大衆復有二種一者求小乘二者求大乘我於昔日波羅奈城爲諸聲聞轉于法輪今始於此拘尸那城爲諸菩薩轉大法輪復次善男子復有二人中根上根爲中根人於波羅奈轉於法輪爲上根人中象王迦葉菩薩等今於此間拘尸那城轉大法輪善男子極下根者如來終不爲轉法輪極下根者即一闡提復次善男子求佛道者復有二種一中精進二上精進於波羅奈爲中精進轉於法輪今於

此城爲上精進轉大法輪復次善男子我昔於彼波羅奈城初轉法輪八萬天人得須陀洹果今於此城八十萬億人不退轉於阿耨多羅三藐三菩提復次善男子波羅奈城大梵天王稽首請我轉於法輪今於此城迦葉菩薩稽首請我轉大法輪復次善男子我昔於彼波羅奈城轉法輪時演說無常苦空無我今於此城轉法輪時如實演暢常樂我淨復次善男子我昔於彼波羅奈城轉法輪時所出音聲聞于梵天如來今於拘尸那城轉法輪時所出音聲徧於東方二十恒河沙等諸佛世界南西北方四維上下亦復如是復次善男子諸佛世尊凡有所說皆悉名爲轉法輪也善男子辭如聖王所有輪寶未降伏者能令降伏已降伏者能令安隱善男子諸佛世尊凡所說法亦復如是無量煩惱未調伏者能令調伏已調伏者今生善根善男子辭如聖王所有輪寶則能消滅一切怨賊如

來演法亦復如是能令一切諸煩惱賊皆悉寂靜復次善男子辭如聖王所有輪寶下上迴轉如來說法亦復如是能令下趣諸惡衆生上生人天乃至佛道善男子是故汝今不應讚言如來於此更轉法輪爾時文殊師利白佛言世尊我於此義非爲不知所以問者

六百經十三

爲欲利益諸衆生故世尊我已久知轉法輪者實是諸佛如來境界非是聲聞緣覺所及余時世尊告迦葉菩薩善男子是名菩薩住於大乘大涅槃經所行聖行迦葉菩薩白佛言世尊復以何義名爲聖行善男子聖名諸佛世尊以是義故名爲聖行世尊若是諸佛之所行者則非聲聞緣覺菩薩所能修行善男子是諸世尊安住於此大般涅槃而作如是開示分別演說其義以是義故名曰聖行聲聞緣覺及諸菩薩如是聞已則能奉行故名聖行善男子是菩薩摩訶薩得是行已則得住於無所畏地善男子若有菩薩得住如

是無所畏地則不復畏貪恚癡生老病死亦復不畏惡道地獄畜生餓鬼善男子惡有二種一者阿修羅二者人中人中有三種惡一者一闡提二者誹謗方等經典三者犯四重禁善男子住是地中諸菩薩等終不畏怖如是惡中亦復不畏沙門婆羅門外道邪見天魔波旬亦復不畏受二十五有是故此地名無所畏善男子菩薩摩訶薩住無畏地得二十五三昧壞二十五有善男子得無垢三昧能壞地獄有得無退三昧能壞畜生有得心樂三昧能壞餓鬼有得歡喜三昧能壞阿脩羅有得日光三昧能斷弗婆提有得月光

六百經十三

九

三昧能斷瞿耶尼有得熱燄三昧能斷鬱單越有得如幻三昧能斷閻浮提有得一切法不動三昧能斷四天處有得難伏三昧能斷三十三天處有得悅意三昧能斷燄摩天有得青色三昧能斷兜術天有得黃色三昧能斷化樂天有得赤色三昧能斷他化自在天

有得白色三昧能斷初禪有得種種三昧能
 斷大梵王有得雙三昧能斷二禪有得雷音
 三昧能斷三禪有得注雨三昧能斷四禪有
 得如虛空三昧能斷無想有得照鏡三昧能
 斷淨居阿那含有得無閻三昧能斷空處有
 得常三昧能斷識處有得樂三昧能斷不用
 處有得我三昧能斷非想非非想處有善男
 子是名善薩得二十五三昧斷二十五有善
 男子如是二十五三昧名諸三昧王善男子
 菩薩摩訶薩入如是等諸三昧王若欲吹壞
 須彌山王隨意即能欲知三千大千世界所
 有衆生心之所念亦悉能知欲以三千大千
 世界所有衆生內於己身一毛孔中隨意即
 能亦令衆生無迫迮想若欲化作無量衆生
 悉令充滿三千大千世界中者亦能隨意能
 分一身以爲多身復合多身以爲一身雖作
 如是心無所著猶如蓮華善男子菩薩摩訶
 薩得入如是三昧王已即得住於自在之地

菩薩住是自在地者得自在力隨欲生處即
 得往生善男子辟如聖王領四天下隨意所
 行無能障閻善薩摩訶薩亦復如是一切生
 處若欲生者隨意往生善男子菩薩摩訶薩
 若見地獄一切衆生有可化令住善根者菩
 薩即時往生其中菩薩雖生非本業果菩薩
 摩訶薩住自在地力因緣故而生其中善男
 子菩薩摩訶薩雖在地獄不受熾然碎身等
 苦善男子菩薩摩訶薩所可成就如是功德
 無量無邊百千万億尚不可說何況諸佛所
 有功德而當可說尔時衆中有一菩薩名住
 無垢藏王有大威德成就神通得大總持三
 十一
 眇具足得無所畏即從座起偏袒右肩右膝
 著地長跪合掌白佛言世尊如佛所說諸佛
 善薩所可成就功德智慧無量無邊百千万
 億寶不可說我意猶謂故不如是大乘經典
 何以故因是大乘方等經力故能出生諸佛
 世尊阿耨多羅三藐三菩提時佛讚言善哉

善哉善男子如是如是汝所說是諸大乘方等經典雖復成就無量功德欲比是經不得爲喻百倍千倍百千万倍乃至筭數譬喻所不能及善男子譬如從牛出乳從乳出酪從酪出生酥從生酥出熟酥從熟酥出醍醐醍醐最上若有服者衆病皆除所有諸藥悉入其中善男子佛亦如是從佛出十二部經從十二部經出修多羅從修多羅出方等經從方等經出般若波羅蜜從般若波羅蜜出大涅槃猶如醍醐言醍醐者喻於佛性佛性者即是如來善男子以是義故說言如來所有功德無量無邊不可稱計迦葉菩薩白佛言世尊如佛所讚大涅槃經猶如醍醐最上最妙若有能服衆病悉除一切諸藥悉入其中我聞是已竊復思念若有不能聽受是經當知是人爲大愚癡無有善心世尊我於今者實能堪忍剥皮爲紙刺血爲墨以髓爲水析骨爲筆書寫如是大涅槃經書已讀誦令

其通利然後爲人廣說其義世尊若有衆生貪著財物我當施財然後以是大涅槃經勸之令讀若尊貴者先以愛語隨順其意然後漸當以是大乘大涅槃經勸之令讀若凡庶者當以威勢福之令讀若憍慢者爲作僕使隨順其意令其歡喜然後復以大涅槃經而教導之若有誹謗方等經者當以勢力摧之令伏既摧伏已然後勸令讀大涅槃若有愛樂大乘經者我當躬往恭敬供養尊重讚歎余時佛讚迦葉菩薩善哉善哉汝甚愛樂大乘經典貪大乘經愛大乘經味大乘經信敬尊重供養大乘善男子汝今以此善心因緣當得超越無量無邊恒河沙等大菩薩前成阿耨多羅三藐三菩提汝亦不久復當如我廣爲大衆演說如是大般涅槃如來佛性諸佛所說祕密之藏善男子乃昔過去佛日未出我於余時作婆羅門修菩薩行悉能通達一切外道所有經論修寂滅行具足威儀其

心清淨不爲外來能生欲想之所破壞滅瞋恚火受持常樂我淨之法周徧求索大乘經典乃至不聞方等名字我於尔時住於雪山其山清淨流泉浴池樹林藥木充滿其地處處石間有清流水多諸香華周徧嚴飾衆鳥羣獸不可稱計甘果滋繁種別難計復有無量藕根甘根青木香根我於尔時獨處其中唯食諸果食已輒心思惟坐禪經無量歲亦不聞有如來出世大乘經名善男子我修如是難行苦行時彼帝釋諸天人等心大驚怪即共集會各各相謂而說偈言

各各相指示 清淨雪山中 寂靜離欲主 功德莊嚴王
已離貪瞋慢 永斷諦愚癡 口初未曾說 義惡等語言
余時衆中有一天子名曰歡喜復說偈言
如是離欲人 清淨勤精進將不求帝釋 及以諸天耶
若是求道者 修行諸苦行是人多欲求 帝釋所坐處
余時復有一仙天子即爲帝釋而說偈言
天主惱戶迦 不應生是慮外道修苦行 何必求帝處

說是偈已復作是言惱尸迦世有大士爲衆生故不貪已身爲欲利益諸衆生故而修種種無量苦行如是之人見生死中諸過咎故設見珍寶滿此大地諸山大海不生貪著如視涕唾如是大士弃捨財寶所愛妻子頭目髓腦手足支節所居舍宅象馬車乘奴婢童僕亦不願求生於天上唯願一切得受快樂如我所解如是大士清淨無染衆結永盡唯欲志求阿耨多羅三藐三菩提釋提桓因復作是言如汝言者是人則爲攝取一切世間衆生大仙若此世間有佛樹者能除一切梵天世人及阿脩羅煩惱毒蛇若諸衆生住是佛樹陰涼中者煩惱諸毒悉得消滅大仙是人若當未來世中作善逝者我等悉當得滅無量熾然煩惱如是之事實爲難信何以故無量衆生發阿耨多羅三藐三菩提心見少微緣於阿耨多羅三藐三菩提即便動轉如水中月水動則動猶如畫像難成易壞菩提

之心亦復如是難發易壞大仙如有多人以
諸鎧仗牢自莊嚴欲前討賊臨陣恐怖則便
退散無量衆生亦復如是發菩提心牢自莊

嚴見生死過心生恐怖即便退散大仙我見
如是無量衆生發心之後皆生動轉是故我
今雖見是人專修苦行無惱無熱住於道捨

公南本十三

十三

其行清淨未能信也我今要當自往試之知

其實能堪任荷負阿耨多羅三藐三菩提大
重擔不大仙猶如車有二輪則有載用鳥有
二翼堪任飛行是苦行者亦復如是我雖見
其堅持禁戒未知其人有深智不若有深智
當知則能堪任荷負阿耨多羅三藐三菩提
之重擔也大仙辭如魚母多有胎子成就者
鮮如菴羅樹華多果少衆生發心乃有無量
及其成就少不足言大仙我當與汝俱往試
之大仙辭如真金三種試已乃知其真謂燒
打磨試彼苦行亦當如是余時釋提桓因自
變其身作羅刹像形甚可畏下至雪山去其

不遠而便立住是時羅刹心無所畏勇健難
當辯才次第其聲清雅宣過去佛所說半偈
諸行無常 是生滅法

說是半偈已便住其所現形貌甚可怖畏
顧盼偏視觀於四方是苦行者聞是半偈心
生歡喜辭如賈客於險難處夜行失伴恐怖
推索還遇同侶心生歡喜踊躍無量亦如久
病未遇良醫瞻病好藥後卒得之如人沒海
卒遇船舫如渴乏人遇清冷水如爲怨遂忽
然得脫如久繫獄卒聞得出亦如農夫炎旱
得雨亦如行人還得歸家家人見已生大歡
喜善男子我於爾時聞是半偈心中歡喜亦
復如是即從座起以手舉髮四向顧視而作
是語向所聞偈誰之所說余時四顧不見餘
人唯見羅刹即說是言誰開如是解脫之門
誰能雷震諸佛音聲誰於生死睡眠之中而
獨覺寤唱如是言誰能於此示導生死饑饉
衆生無上道味無量衆生沈生死海誰能於

中作大船師是諸衆生常爲煩惱重病所纏誰能於中爲你良醫說是半偈啓悟我心猶如半月漸開蓮華善男子我於尔時更無所見唯見羅刹復作是念將是羅刹說是偈耶覆復生疑或非其說何以故是人形容甚可怖畏若有得聞是偈句者一切恐怖醜陋即

公南卷三十一

除何有此人形貌如是能說此偈不應火中出生蓮華非中光中出生冷水善男子我於余時復作是念我今無智而此羅刹或能得見過去諸佛從諸佛所聞是半偈我今當問即便前至是羅刹所作如是言善哉大士汝於何處得是過去離怖畏者所說半偈大士汝於何處而得如是半如意珠大士是半偈義乃是過去未來現在諸佛世尊之正道也一切世間無量衆生常爲諸見羅網所覆終身於此外道法中初不得聞如是出世十力世雄所說空義善男子我問是已即答我言大婆羅門汝今不應問我是義何以故我不

食來已經多日處處求索了不能得飢渴苦惱心亂謬語非我本心之所知也我今力能飛行虛空至鬱單越乃至天上處處求食而不能得以是之故我說是語善男子我時即復語羅刹言大士若能爲我說是偈竟我當終身爲汝弟子大士汝所說者名字不終義亦不盡以何因緣不欲說耶夫財施者則有竭盡法施因緣不可盡也法施無盡多所利益我今聞此半偈法已心生驚疑汝今幸可爲我除斷說此偈竟我當終身爲汝弟子羅刹答言汝智太過但自憂身都不見念今我定爲飢苦所福實不能說我即問言汝所食者爲是何物羅刹答言汝不足問我若說者今人多怖我復語言此中獨處更無有人我不畏汝何故不說羅刹答言我所食者唯人煙肉其所飲者唯人熱血自我薄祐唯食此食周偏求索困不能得卅多人皆有福德兼爲諸天之所守護而我無力不能得殺善

公南卷三十五

男子我復語言汝但具足說是半偈我聞偈已當以此身奉施供養大士我設命終如此之身無所復用當為虎狼鷦鷯鷺鷥之所啖食而復不得一毫之福我今為求阿耨多羅二藐三菩提捨不堅身以易堅身羅刹答言誰當信汝如是之言為八字故棄所愛身善

男子我即答言汝真無智辭如有人施他瓦器得七寶器我亦如是捨不堅身得金剛身汝言誰當信者我今有證大梵天王釋提桓因及四天王能證是事復有天眼諸菩薩等為欲利益無量衆生修行大乘具六度者亦能證知復有十方諸佛世尊利衆生者亦能證我為八字故捨是身命羅刹復言汝若如是能捨身者諦聽諦聽當為汝說其餘半偈善男子我於尔時聞是語已心中歡喜即解已身所著鹿皮為此羅刹敷置法座白言和上願坐此座我即於前叉手長跪而作是言惟願和上善為我說其餘半偈令得具足羅

是無量功德皆由供養如來正法善男子汝今亦爾發阿耨多羅三藐三菩提心則已超過無量無邊洹河沙等諸菩薩上善男子是名菩薩住於大乘大般涅槃修於聖行

大般涅槃經卷第十三

大般涅槃經卷第十四 南本 公四

三藏義無譏譯梵沙門慧嚴慧觀同謝靈運再治

大般涅槃經品初第二十

公四

善男子云何菩薩摩訶薩梵行善男子菩薩摩訶薩住於大乘大般涅槃住七善法得具梵行何等為七一者知法二者知義三者知時四者知足五者自知六者知衆七者知尊卑善男子云何菩薩摩訶薩知法善男子是菩薩摩訶薩知十二部經所謂修多羅祇夜受記伽陀優陀那尼陀那阿波陀那伊帝目多伽闍陀伽毗佛略阿浮陀達磨優波提舍善男子何等名為修多羅經從如是我聞乃